

A O le pogai o le lē lotogatasitasi (Filipi 2:1-3a)

- ❖ A’o lei tuuina lona tamatama’ilima i se vaega tonu o loo tiga, ma faailoa atu mafuaaga tonu o le fevaevaeai sa vaaia i tagata Filipi, o a ni fautuaga muamua lava na ia tuuina atu i a’i latou ina ia ausia ai le lotogatasitasi, ia faaatoatoaina ai lona olioli?
- ❖ O lenei, afai ae i ai sē faamafanafana ia Keriso, afai ae i ai sē faamatalaloto i le alofa, afai ae i ai sē mafuta faatasi ma le Agaga, afai ae i ai sē alofa mutimutivale ma sē loto-alofa, ina faaatoatoa mai ia e outou lo’u olioli, ina ia gatasitasi o outou manatu, ia ia te outou le alofa faatasi, ma le lotogatasitasi, ma le manatunatu i le mea e tasi (Filipi 2:1-2)
 - **Faamafanafana ia Keriso:** Ua ia faalaeiauina i latou e suesue ma faaaoao i le soifuaga o Keriso
 - **Faamafanafana i le alofa:** O lo latou alofa ia Keriso e faaosofia ai le mana e galueaina o latou mafaufau
 - **Mafutaga ma le Agaga:** E tatau ona latou gauai atu i le pule a le Agaga
 - **Lagona loloto o le alofa:** E tatau ona atagia mai i a’i latou le agamalu ma le alofa mafanafana o lagona faale-tagata
 - **Alofa mutimutivale:** Ia latou faailoa atu le i ai o le alofa moni ma le faamaoni e ala i le faatinoina taitoatasi o le alofa mutimutivale
 - **Ia gatasitasi manatu ma le alofa:** Ia atoatoa le alofa o le tasi i le isi. Ia fefaasoa’i ma ia manatunatu i le mea e tasi, mafaufau tutusa ai ma taitaiina atu ai i se faatinoga autasi
- ❖ O nei mea uma na pau le mea e mafai ai ona latou ausia, pe afai latou te tuuese le pogai na tuueseeseina ai i latou: o le faamaualuga ma le finau vale (Filipi 2:3a).
- ❖ O nei faafitauli uma sa i ai lea i le fouvale a Lusifelo, ma o se tasi o faafitauli sili ona ogaoga i totonu o mafutaga (Kalatia 5:26; Iakopo 3:16).

B Lotogatasitasi e ala i le lotomaulalo (Filipi 2:3b-4)

- ❖ O le fua faatatau mo le lotogatasi na fautuaina e Paulo e le o se mea i fafo, ae o se uiga i totonu: lotomaulalo. E ese mai i le avea ai o se uiga o Iesu, sa ia faalaeiauina Lana au faalogologo ina ia maua le lotomaulalo (Mataio 11:29; 18:4; 23:12).
- ❖ Ina ia maua lenei lotomaulalo, na fautuaina e Paulo e faapea ia tatou manatu i nisi e sili ona taua nai lo tatou lava (Filipi 2:3). Ae pe le tutusa uma ea i tatou i luma o le Atua? E le tatau ea ona tulaga tutusa i tatou ina ia maua ai le lotogatasitasi?
- ❖ E le o faapea mai Paulo e faatauvaa pe maulalo i tatou i lo isi, ae o loo faapea mai, e tatau ona manatu i a’i tatou lava faapea. E pei ona saili le auauna i le lelei o lona matai, e tatau ai foi ona tatou saili le lelei oi latou ua tatou manatu e sili atu i a’i tatou lava (Filipi 2:4).
- ❖ Ina ia mafai ona fesoasoani i nisi, e tatau ona a’oa’oina i tatou ia faalogo atu i a’i latou ma ia malamalama i o latou manatu. O nei mea uma e le masalomia o le galuega lava lea a le Agaga Paia.

C Ia manatu faapei o Iesu (Filipi 2:5)

- ❖ E faapefea foliga o o tatou mafaufauga? E auala mai i “ala o le agaga,” o lona uiga, o o tatou lagona. O mea uma tatou te faitauina, e vaaia, poo le faalogo, o le a faafoligaina a’i lava i tatou i se isi itu. Ma, o le mea moni, ua osofa’ia e Satani o tatou faalagona ina ia mamauina ai o tatou mafaufau i ona lava manatu.
- ❖ E mata’utia lava Paulo. E le gata ina valaaulia i tatou e mataala i o tatou mafaufauga, ae ua ia talosaga mai foi i a’i tatou ina ia tatou mafaufau faapei o le finagalo o Keriso (Filipi 4:8; 2:5).
- ❖ Atonu tatou te mafaia, i se taumafaiga sili atu e ausia ai le mea muamua. Ae o le suia o o tatou mafaufau e faatatau i le finagalo o Iesu, ua na o le Agaga Paia e mafai ai ona faia lea mea i totonu i a’i tatou.

- ❖ E mafua lenei mea ona o tatou mafaufau e faale-tino, ma o tatou loto e faa'ole'ole (Ieremia 17:9). O le Agaga o le a suia o tatou mafaufau faale-tino i se mafaufau faale-agaga, faapei o Keriso (Roma 8:1, 5). O le loto i la le tino o le oti lea, ao la le Agaga o le ola lea ma le manuia.

D O uiga o Iesu (Filipi 2:6-8)

- ❖ **O loo faamamafaina e Paulo ni uiga se tolu o Iesu:**
 - Na la lafoa'ia Lana pule faale-Atua (Filipi 2:6)
 - Na avea o la ma tagata ina ia auauna i a'i tatou (Filipi 2:7)
 - Na la usiusitai ma le lotomaulalo i mea uma, se'ia oo lava i Lona maliu (Filipi 2:8)
- ❖ I le avea ai ma Fofoa, na avea ai o la o se tagata. Na la talia le agaleagaina ma Lona maliu i luga o le satauro ina ia togiolaina ai i tatou
- ❖ E ui i se tulaga tutusa ma isi Peresona e lua o le Aiga-Atua, a'o le gauai atu o Iesu i le finagalo o le Tama sa atoatoa lava lea i taimi uma. E leai lava se taimi na teena ai Lona gauai atu.
- ❖ Pe afai tatou te mafaufau e uiga i lenei mea, tau lava o lo tatou ifo toele ma tapuai atu i le ofoofogia o lo tatou Faaola.
- ❖ O la o lo tatou faataitaiga. E tataua ona i ai so tatou faanaunautaiga ina ia faamaulaloina i tatou lava ma tuuina atu i tatou lava mo le lelei o nisi.
- ❖ O le faamaulalo ofoofogia o Keriso na avea ai ma tagata soifua ma o le a avea lea ma mataupu o sutesuga mo le au faaolaina e oo atu lava i le faavavau.
- ❖ E ofoofogia le avea o le Tagata e le mafuatia ma faavavau ma se tagata e gata mai, e oo i le oti. O le mea lenei ua ta'ua ai e Paulo o le "mea lilo o le amioatua" (1Timoteo 3:16).
- ❖ Na afio mai Iesu mai le pule sili aoao e avea o se auauna. Ua faafeagai lenei mea ma le faanaunauga na ia Lusifelo, o Iē, o se auauna, ae manao i le pule sili aoao.
- ❖ O lenei faaaoaoga ua valaauina ai i tatou ia lafoai o tatou manatu faapito ma so tatou faanaunauga i se auaunaga mo i tatou lava, a ia suia i le lotomaulalo ma se faanaunauta'iga ia auauna atu i nisi ma le loto fiafia.

